

bulo, sed Iulio & Cæsare Cofs. gestum, scriptis mandarent, Hinc vulgati mox sine auctore versiculi:

*Non Bibulo quicquam nuper, sed Cæsare gestum est.*

*Nam Bibulo fieri Consule nil memini.*

Et hæc inuidiosa magis quam obscœna, contrà illa turpissima. Adolescens admodum, adhuc Sylla superstite, cum fortunæ suæ nauigium patriæ tempestatibus nuper agnosceret, secessit Asiam petens, atque apud Nicomedem Bithyniæ Regem paulò familiarius subsistens, ex leuissima causa, grauissimã & inexpurgabilem contraxit infamiam, tanquam adolescentiæ flore prostrato Regiæ libidini, hinc suspicio pro veritate suscepta, & omnibus sine fine non tam iocandum quam obtrectandum materia data est. Cofs. ingenti patrum repugnantia Galliam prouinciam obtinuerat, hinc immodicè lætus, magna Senatus frequentia, linguam frænare non valuit, mœstis & nolentibus inimicis, se quod optasset consecutum dictitans, cum Etisq̃ue vices odij redditurum. Vbi cum quidam eas minas ægrè ferens, id nulli foeminæ facile fore dixisset: satis habuit mordacem iocum, urbana responsione